

平
閩
紀

四

平閩紀卷之二目錄

奏疏

題定江南等事疏

機有遲速等事疏

遴補營將疏

稍增旗幟等事疏

恭謝 天恩疏

敬竭愚忠等事疏

閩省要地等事疏

平周紀
恭謝天恩疏

飛報剿賊等事疏

剿寇務選等事疏

彙報固守等事疏

平閩紀卷之二

懋紹漁山

三韓楊

捷元凱著

男懋緒令鴻纂

懋綸今掌

題定江南等事疏

題爲題定江南援剿營制事案照康熙十七年八月十六日奉兵部密劄爲敬竭愚忠等事內開臣等會議得福建提督楊疏稱所帶江寧提標兵丁沿途接踵而進若照援剿之例事平仍歸松江原伍則人人

平陽縣志 卷之二
心安志順咸効死力自不遜往等語應如所題除該提督原帶三百名外其餘一千七百名照調赴別省援剿兵丁之例支給行糧兵丁家口准支口糧俟閩省平定此兵一千七百名仍發回江南各歸原伍等因奉

旨依議速行欽遵在案所有臣帶江南標營官兵應行

題明查臣原帶兵丁內將一千七百名分爲左右二營

各營八百五十名立爲江南提標援剿營比照督臣

題明之例列於內標以資彈壓至於率兵隨臣入閩之

官前臣在松江時曾照經制員數備開職名造冊達部業經題奉

俞旨所帶官員俱著實陞壹級臣今請將原帶遊擊張念祖仍管江南提標援剿左營遊擊事尚缺江南提標援剿右營遊擊一員查有臣前疏

題帶入閩候推守備楊懋紱歷練戎行才能邁衆近日隨臣往解泉州之圍在洛陽橋攻奪要隘擊船殺賊有功見在候敘擬補江南提標援剿右營遊擊雖銜缺稍殊但今用人之際懋紱係臣親姪臣今年老得

平陽縣志 卷之二
使懋紱列在援剿在臣左右必能一心辦賊仰懇

皇上特賜

允用再請將以署都司僉書管守備事李應龍仍管江南
提標援剿左營中軍守備事其候推守備陳應隆已
擬補福建提標前營守備則江南提標援剿營又缺
守備一員臣查有原帶入閩以署守備管千總事李
魁經臣訓練已久頗諳營務兵丁信服才技優嫻且
隨解泉圍攻奪洛陽橋要隘有功見在候敘擬補江
南提標援剿右營中軍守備再查以署守備管千總

事楊可能等四員李魁擬補江南提標援剿右營守
備張洪宗擬補福建提標右營守備千總員缺容臣
遴補併以千總管把總事張奉等八員俱另文報部
換劄自此營制一定則在標官兵咸知有所遵守官
盡職而兵効命於以殫忠靖寇圖報

皇恩端有賴矣此臣身任剿賊量才器使皆求人缺相宜
方敢擬補除各官履歷送部外臣謹會同督臣姚

撫臣吳 合詞具疏照例保

題伏祈

勅部議覆施行奉

旨兵部速議具奏

康熙十七年九月二十六日

機有遲速等事疏

題爲機有遲速事有先後謹述微臣援泉赴漳情形仰
祈

睿鑒事竊惟臣以一介庸愚荷蒙

皇上特降

溫綸調補福建提督臣安敢不竭此犬馬餘力上酬

高厚自康熙十七年六月初十日自江南起行於七月十

二日到福建浦城縣因聞海寇狂逞臣急于提調進
剿隨卽就浦城開印視事時天氣炎蒸所帶江南兵

馬連日奔馳疲困沿途耽擱尙未到齊而海寇攻圍泉州甚急康親王疊行催促臣卽先率親隨星夜兼程於七月二十二日抵省擬俟原帶江南士馬齊到卽率領南下援泉但念臣此一戰係全閩安危據探報逆賊數萬攻圍泉州郡臣所統兵馬除沿途脫逃染病之外不及二千俱係困乏何以當賊全鋒克保萬全乃啓明康親王行調福寧總兵黃大來官兵一千七百名福州城守右營守備晉淑玉官兵三百名連江營守備鄭興官兵四百名羅源營千總李學官兵

一百五十名延平城守左營守備宋希聖官兵二百
名通共抽調各標協官兵二千七百五十名時所調
福寧總兵黃大來官兵因路遠尚未到齊而連日聞
報泉圍甚急臣不能久待隨於八月初九日自省起
行是晚在烏龍江下營適總兵黃大來聞臣起行單
騎馳至臣營相見約卽隨後率兵兼程繼至合兵南
下八月十七日臣在興化與撫臣吳興祚浙江提督
臣石調聲都統臣季爾他布等會議分兵作三路援
泉正欲起行間又奉康親王令諭特遣叅贊大臣副

都統禪布統領滿洲大兵前來夾剿凡有一切軍務該提悉與該副都統商酌而行仍聽該副都統調度不得掣肘有悞軍機等因臣祇遵調度於八月二十一日自興化起行二十四日恢復惠安縣二十五日攻奪洛陽橋北寨二十六日分遣奇兵兩路夾攻殺敗海寇力解泉圍卽日進城撫安兵民此臣從前自省到泉之始末也到泉之後查泉州沿邊一帶北自惠安縣與興化府所屬之楓亭交界起南至同安縣與漳州交界止紆迴計程四百餘里皆逼臨大海至

於泉屬各縣如南安永春安溪德化四縣則皆處萬山疊嶂之間海賊自泉城敗遁之後下海者則仍聚艘游移於沿邊不及下海者則皆逃匿於南永安德各縣山林之內且惠安縣爲興化泉州兩府咽喉要道其城垣被賊推平無存至沿邊楓亭塗嶺洛陽橋俱係要緊口岸原設寨堡逆賊悉推爲平地臣一面調撥各營將領分兵扼守一面咨會督撫二臣行令府縣有司速將縣汛城垣尅期修築間續據探報有逆首王一鵬擁黨千餘出沒於惠安縣所屬之沙格

上西一帶希圖窺犯縣汛斷我糧道時撫臣吳興祚
前自興化帶兵往永春德化恢復各縣城事竣來泉
臣與之面商遣發撫標隨征總兵張韜連江營守備
鄭興各帶官兵前往撲剿幸獲全勝業經題報在案
復節次據各府縣營將紛紛報稱逆賊葉明紀朝佐
黃圭蓋等各擁餘黨出沒於德化永春南安晉江所
屬山間各鄉村併興化總兵臣劉德懋咨報海賊僞
鎮蕭武等聚船二百五十餘隻灣泊湄州欲登犯興
化府城占踞涵江斷江口橋勢甚危急連日請兵應

援俱經臣會商撫臣分遣官兵前往各處防守救應
相機剿捕又於九月二十三日遣發副將馮昭京汀
州城守左營遊擊董子英帶兵前往恢復同安縣此
在城寧海將軍喇哈達副都統禪布巡撫吳興祚諸
臣所目擊者時又值督臣小書調兵援漳臣當經咨
會寧海將軍喇哈達副都統禪布訂期起行祇緣泉
城被困兩月城外人民逃散未盡歸業且兼山海紛
紛告警人心不無風鶴所以將軍都統不敢允臣南
征具啟康親王侯奪併會議以東石一寨爲海逆運

糧馬頭必須先行攻打以斷賊糧庶泉州之邊警可
息然後出師往漳臣以先奉有聽副都統禪布調度
之王令自當祇遵臣隨於十月初四日親帶官兵往
攻東石復准督臣諄切催促進兵漳州臣正擬南下
適值寧海將軍喇哈達移咨到臣內敘王諭有泉州
係緊要之地該提督去與不去聽其自行酌量等因
臣隨於初五日將原帶大砲蘆囤發回泉州於初六
日率領江南帶來原兵併福建提標官兵七百餘名
長驅赴漳雖復准寧海將軍喇哈達移咨畱臣仍回